

查考係于錢糧重務合無本部行移在京各衙門知會今後遇有願將南京本色俸糧分回養親祭掃者務要盡數分回不許仍前零碎分支有碍稽考如此則錢糧得以明白免致差錯抑且案卷清切事体一奉

聖旨是欽此

官員患病三箇月之上俸糧任支例

成化二年二月十五日太子少保戶部尚書等

題為陳言事 清吏司案准呈吏部 清吏司

手本送准禮部咨禮科抄出巡按江西御史吳玘所

言事情開坐具本奏奉

聖旨該衙門知道欽此欽遵抄出粘咨到部送司看得內

一件汰病官以瀉政務切見江西都司指揮僉事養

賢係是輪班漕運官員自天順四年三月初四日患

病至五年之上醫治不痊難以動履諒成痼疾况年

已五十之上合當令人替職以曷補報本官却乃顧

恋名任不肯告替雖曰見在實如無有非惟坐享厚

祿抑且有悞漕運及訪得各府州縣衛所等衙門文

武官員之中亦有此弊理合查究通行禁約如蒙乞

敕該部計議令無行令部指揮僉事養賢或住俸調治候  
病痊之日起送赴部看驗定奪或將伊應襲兒男保  
送替職另行銓選都指揮一員前來管事庶不有悞  
仍乞

敕該部還行內外文武衙門今後但有官員患病三箇月  
之上者住俸調治候病痊之日照舊支俸管事其文  
職官患病一年之上者起送吏部看驗定奪武職患  
病二年之上者本處都司衙門看驗是實將應襲  
男照例保送替職不許久病在任叨竊俸祿至到  
部看驗得本官所言文職官患病一年之上者起送赴  
部看驗定奪本部已有見行事例及開內外文武衙  
門今後但有官員患病三箇月之上者住俸一節係  
隸別部掌行連送手本到司案呈到部參看本官所

言前事除文職患病年久者吏部自有見行事例武  
職患病二年之上者行移兵部徑自查照定奪所據  
奏稱要行內外文武衙門遇有官員患病三箇月之  
上者即將該支俸銀依數截住支候調治病痊  
之日照舊支給合准所擬本部通行內外大小衙門  
一體知會自今以後遇有患病官員將合得俸糧即  
便照例住支同僉官僚毋得扶同坐視曠職虛費錢  
糧事發通行查擬究治如律緣係事例反奉  
欽依該衙門知道事理未敢擅便具題奉  
聖旨是欽此